

Ayera tabata exactamente 30 aña pasa cu Eilandsraad a aproba pa Aruba tin su propio Himno y Bandera

Pabien Aruba riba dia di
HIMNO Y BANDERA

Aruba Dushi Tera
nos baraca tan stima
nos amor pa bo t'asina
grandi cu n'tin nada
pa kibre.

**Pabien Aruba cu e
celebración di 30 aña di
nos Himno y Bandera
y 20 aña di Status Aparte**

**Superior Tabacco
Company N.V.**
Franklinstraat #2/n, Tel: 582-3220 - Fax: 582-2892



ORANJESTAD- Despues cu Aruba for di aña 1948 a wordo perhudica den e constelacion Antiano di 12-8, nada particular mas a sosode den e añanan siguiente riba tereno politico estatal. E lucha di antes, esta Separacion no tabata vibra cu fervor mas bou di e partidonan politico di e tempo ey y nan enfoke tabata meramente dirigi pa bringa pa interesnan di e diferente agrupacionnan cu tabata biba riba e isla aki, tanto esnan nativo como esnan cu a bin for di exterior. For di inicio di su carera politico nos Libertador Betico Croes a constata cu tabata existi e division aki, caminda constantemente tabata haci distincion den asendencia, color, rasa y entre e hendenan di e diferente districtonan di Aruba. E division y segregacion aki a perhudica nos isla grandemente ya cu e parti negativo aki a stroba e pueblo Arubano di forma un bloque solido pa lucha y sali for di e constelacion Antiyano. Como un visionario Betico Croes su meta principal den e arena politico tabata pa trece union den e pueblo aki, caminda no ta existi mas e distincionnan ya menciona. Hecho ta cu den un pais, unda ta reina un deseo ferviente pa sali for di e constelacion Antiyano pa bira un pais autonomo, mester busca na prome lugar di promove e simbolonan di union y libertad. Dia 16 di maart 1976 - despues cu Bestuurscollege a nombra un comision pa conseha riba nos himno y bandera - Eilandsraad di Aruba a aproba e proposicion pa introduci nos simbolonan di union y libertad, cual simbolonan a wordo inaugura oficialmente riba dia 18 di maart 1976 den Wilhelminastadion.

gobierno y Parlamento.

No esaki so, pero Aruba no tabatin e instrumentonan den su man pa por determina su propio desaroyo economico.

E situacion aki a perdura for di 1948 te na e Conferencia di Mesa Rondo na 1983, unda na un forma magistral Betico Croes a demostra su cualidadnan pa negosha, logrando cu nos isla a haña reconocimiento di e derecho di autodeterminacion.

No solamente a ser combeni cu nos isla por bira independiente na 1996, pero cu nos pais entrante 1 di januari 1986 por haña su Status Aparte como fase transitorio. Tambe cu nos lo haña e oportunidad prome cu 1996 pa evalua si nos ta suficientemente preparay clapabira independiente. Ta mas cu logico cu Betico Croes a uza e strategia di busca reconocimiento di e derecho di autodeterminacion pa por a sali na 1986 for di e constelacion Antiano y despues mira si nos ta suficientemente prepara pa por bira independiente.

Y tabata dia 13 di juli 1990 cu Ministro Presidente Nelson Oduber a yega na un acuerdo cu gobierno Hulandes pa percura saca e fecha di independencia di 1996 for di den Statuut, pero manteniendo si e derecho pa cu dia nos na un forma organisa, ordena y responsabel por bira independiente y cu sosten di mayoria di e pueblo nos lo por haci esaki. Nos a logra convence Hulanda y Antiyas pa cambia Statuut y trece e claridad, seguridad y tranquilidad riba tereno di estructura estatal pa nos pueblo, unda nos pais a mantene su Status Aparte. Nos pais awe tin su propio Parlamento, Gobierno, institucionan, propio bandera, himno, ortografia, propio Banco Central, moneda etc.

Ta pesei ban celebra awe y mayan riba Plaza Libertador Betico Croes na grandi nos dia nacional, 20 aña di Status Aparte y 30 aña di Himno y Bandera.

Pabien Aruba riba dia di
HIMNO Y BANDERA

Aruba Patria Stima!
Bo Himno y Bandera ta orguyo
di tur Arubiano cu ta biba riba
e pida baraca aki.

**Pabien Aruba cu 30 aña di nos
Himno y Bandera y 20 aña
di Status Aparte**

